

Ҳадис дарслари (113-дарс). Қадар аҳлига келган азоб

Ҳадис
ДАРСЛАРИ

113-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Ҳаёт ва ҳадис» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.

13:00 / 02.12.2020 3733

لَا تَلْمِزُوا عِبَادَ اللَّهِ عَلَى صِدْقِهِمْ وَأَنْ يَسْتَأْذِنُوا بَلَدَهُمْ لَا كُفْرًا فِي الْإِسْلَامِ فَذَرُوهُمْ إِنْ كَانُوا مِنْكُمْ وَاسْتَأْذِنُوا بَلَدَهُمْ لَا كُفْرًا فِي الْإِسْلَامِ فَذَرُوهُمْ إِنْ كَانُوا مِنْكُمْ

Ибн Умар розияллоҳу анҳудан ривоят қилинади:

«Набий соллаллоҳу алайҳи васаллам:

«Ушбу умматдаги ёки менинг умматимдаги ер ютиш, бошқа махлуққа айланиб қолиш ёки осмондан бўладиган тошбўронга учраш қадар аҳлидадир», дедилар».

Шарҳ: Бу ҳадис ҳам Абдуллоҳ ибн Умар розияллоҳу анҳудан ривоят қилинмоқда. Пайғамбаримиз соллаллоҳу алайҳи васаллам бу ҳадисларида қадарга ишонмаслик нақадар оғир жиноят эканлигини баён қилмоқдалар. Ислом умматида ер ютиш, бошқа махлуққа айланиб қолиш ёки осмондан бўладиган тошбўронга учрашга лойиқ тоифа – Қадария тоифаси эканлигини эълон қилмоқдалар. Бу гап жуда қаттиқ гап. Чунки, турли умматлар ичида турли гуноҳ қилганлар ушбу азобларнинг биттасигагина учраганлар.

Мисол учун, Қорун ва унинг аҳлини ер ютганлиги, яҳудийларнинг чўчка ва маймунга айланиш азобига дучор бўлганлари ҳаммага маълум.

Каъбатуллоҳни бузиш ниятида келган Абраҳа ва унинг аскарларининг

осмондан бўлган тошбўронга йўлиққанлари ҳам маълум ва машхур.

Қадар аҳлига эса ушбу уч азобнинг таҳдиди бирданига бўлмоқда. Шунинг ўзиданоқ бу масала нақадар хавфли эканлигини билсак бўлади. Бундан Аллоҳнинг Ўзи сақласин!

«Ҳадис ва ҳаёт» китобидан